



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

3. Inventio S. Crucis D. N. J. C.

[urn:nbn:de:hbz:466:1-52716](#)

repetendo: *Jesu! & Maria!* in vestras manus commendo sensus, corpus, & animam meam. Si Jesus, & Maria pro nobis: quis contrà nos? Umbra Petri quid non potuit? Plus poterit cantorum invocatio Nominum.

Inventio Sacræ, & Triumpha- lis Crucis D. N. J. C.

EXHORTATIUNCULA I.

Ecce Crucem Domini! hoc signum erit in cœlo, cum Dominus venierit ad judicandum, quis non trepidabit? Trepidabunt verò illi potissimum, qui sequi noluerunt Christum usque ad mortem Crucis. Fili! Crucifixi in schola strenui semper vivamus discipuli! Præcepta ejus facilia sunt; præmia verò quæ nec oculus vidit, nec auris audivit.

Instructio meritoria.

Ut igitur triumphemus in hoc signo super partes adversas, & quondam cum Crucifixo Jesu æternum gaudeamus in cœlis, recitemus tria Cantica ex hodierno Matutino, & ad imagines Crucifixi genu-

genuflectamus supplicantes : *Jesu Nazarene ! Rex Iudeorum ! miserere mei. O vocem, ad quam contremiscunt inferi !*

II.

Fili ! sunt plurimi, qui non quærunt, sed Crucem fugiunt. Hos tamen sequitur, quin & assequitur Crux. Sunt & alii, qui quærunt, & inveniunt crucem, quam lubenter subeunt, quia Deum diligunt. Jam quorum è numero sumus ? Primi habebunt pœnam. Secundi coronam. Jam eligere oportet.

Instructio meritoria.

Nos cum D. Paulo gloriemur in Cruce, & quòd Deus nos toties visitaverit variis tribulationibus, hisque nos in sui amorem attraxerit, in gratiarum actionem cum Officio de S. Cruce dicamus Psalmum : *Laudate Dominum de celis ! laudate Eum in excelsis.* Cum spirio : *Amplius ! Domine ! Amplius !* qui fodit, thesaurum invenit. In Cruce latet. Quaramus.

III. Un.

III.

UNde tanta nobis difficultas in S. Cruce? fortè, quia nimis molliter, delicate, & sensualiter vivimus. Si hoc: Non crux est, quod afflit, sed scelerata, & vitiis scatens vita. Hanc deponamus; & omnis evanescet difficultas tempore tribulationis. Quod affligitur, corpus est! Quod triumphet, anima. Illi verbera debentur. Huic cœli gaudia.

Instructio meritoria.

Cum S. Ecclesia hodie gaudeamus, & ut Deus mittat in scelestum hunc mundum viros à patientia, fortitudine, & constantiâ celeberrimos, hymnum oremus: *Vexilla Regis prodeunt &c.* cum SS. Rosario de Mysteriis dolorosis. Tangamus rosas, & spirabimus odorem.

Festum S. Monicæ Divi Augustini Matris zelosissimæ.

EXHORTATIUNCULA I.

Ecclæsia sancta quid non debet Beatisissimæ Monicæ? Quid non & tota insignis Augustiniana familia? Ecclesiæ dedit